

ডিম পেড়ে চিন্তা নয় , চিন্তা করে ডিম পাড়ুন

অশোক মিত্র

টাটা গোষ্ঠী কর্তৃক প্রস্তাবিত এই রাজ্যে ছোট মোটর গাড়ি তৈরি করার প্রস্তাব নিয়ে জল অনেক দূর গড়িয়েছে , আরও গড়াবে ; নন্দীগ্রামের ঘটনাবলী তার প্রমাণ । কোথাকার জল কোথায় গিয়ে দাঁড়ায় এখন সেটাই দ্রষ্টব্য ।

যে-বাকবিতন্ডা ও ততোধিক গোলেমালে হরিবোল চলছে । টাটা গোষ্ঠীর সর্বোচ্চ কর্তব্যক্তির একটি সাম্প্রতিক মন্তব্যে তাতে নতুন মাত্রা সংযোজিত হয়েছে । ওই প্রস্তাবিত কারখানার জন্য অধিগৃহীত জমি নিয়ে যা চলছে , তা তাঁর উক্তি অনুযায়ী , নিছক রাজনীতি নয় , তাঁদের প্রতিদ্বন্দ্বী কিছু অন্য পুঁজিপতিরাও এই ব্যাপারে জড়িত ; অর্থাৎ টাটাদের পশ্চিমবঙ্গ বিজয়ে তাঁদের চোখ টাটাচ্ছে , তাই তাঁরা বাগড়া দেওয়ার মহৎ উদ্দেশ্যে পিছন থেকে কলকাঠি নাড়ছেন , জমি অধিগ্রহণের ক্ষেত্রে যাঁরা বড় পাকাচ্ছেন, তাঁদের মদত দিচ্ছেন ।

অভিযোগের তির দ্বিমুখী । প্রথমত , রতন টাটা মশাই আন্দোলনকারী রাজনীতিবিদদের আন্তরিকতা তথা সততা সম্পর্কে কটাক্ষপাত করেছেন । রাজনীতিবিদদের নিয়ে এ ধরনের কটুক্তি আজ থেকে তিরিশ - চল্লিশ বছর আগে কোনও ব্যবসায়ী গোষ্ঠী প্রকাশ্যে করতে সাহস পেতেন না , তাঁরা তখন রাজনৈতিক কর্মীদের সমীপে ভয়ে কুকড়ে থাকতেন । এখন পরিবর্তন । বিশ্বায়ন ও আর্থিক উদারীকরণ হেতু সমাজে শিল্পপতিদের কদর বেড়েছে , পৃথিবী টাকার বশ এই বানী যত বেশি উচ্চারিত হচ্ছে , টাকার পাহাড়ের উপর সমাসীন শিল্পপতি সম্প্রদায়ের প্রতি শ্রদ্ধা - ভক্তির পরিমাণও তত বেশি ভারী হচ্ছে । তাঁদের সাহসের পরিমাপও তাই বর্ধমান । তা ছাড়া বিশেষ করে গত দুই দশক ধরে , বিভিন্ন স্তরে রাজনৈতিক নেতা ও কর্মীদের অসদাচরণের এত বেশি বৃদ্ধান্ত প্রচারিত , ও বহু ক্ষেত্রে প্রমাণিত , যে লোকমানসে একটি নতুন ব্যাকরণ মীমাংসার উদয় হয়েছে— রাজনীতিবিদরা তস্কর , না তস্কররা রাজনীতিবিদ । বৃত্তিগত ভোগান্তির হাত থেকে অতএব পরম সাধু রাজনীতিবিদেরও রেহাই নেই । রতন টাটার মতো যে-কেউই বাঁকা-বাঁকা কথা বললে হজম করে নিতে হয়ে । মানহানির মামলা এনে অশুভিস্ব প্রাপ্তিই জুটবে ।

কিন্তু রতন টাটা মশাইয়ের কটাক্ষ তথা অভিযোগের আঙুল তো তাঁরই কিছু সহযোগী শিল্পপতিদের দিকে লক্ষ্য করে । টাটাদের পশ্চিমবঙ্গীয় সৌভাগ্যে তাঁদের নাকি চোখ টাটাচ্ছে । এখানেই খটকা লাগে । এমনটি তো হওয়ার কথা না , কাক যে কাকের মাংস খায় না , শুধু তা-ই নয় , টাটা গোষ্ঠীর মতো অনেক , আরও শিল্পগোষ্ঠীই ভারতবর্ষের বিভিন্ন অঞ্চলে ছোট মোটর গাড়ি কারখানা তৈরি নিয়ে ভাবছেন, হোন্ডা, সুজুকি , প্রিমিয়ার প্রত্যেকেই । বিশ্বায়নের দৌলতে দেশের উঠতি মধ্যবিত্ত শ্রেণির মধ্যে গাড়ির চাহিদা ক্রমবর্ধমান । তার জোগান দিতে অনেকেই ঝাঁপিয়ে পড়েছেন । কারখানার জন্য জমি পেতে আপাতত তাঁরা বিভিন্ন রাজ্যে অনুেষণে ব্যস্ত । বাজার এত দ্রুত প্রসারিত হচ্ছে

যে, শিল্পপতিদের প্রতিযোগিতা নিয়ে ভাবিত হওয়ার কোন কারণ আছে বলে মনে হয় না। তা ছাড়া পশ্চিমবঙ্গ সরকারের পক্ষ থেকে তো জানানোই হয়েছে, প্রতিদিন জানানো হচ্ছে, এখানে অব্যাহত দ্বার। যে শিল্পপতিই আসুন না কেন, তাঁকে অভিজুত অভ্যর্থনা দেওয়া হবে। একেবারে সাজাবো যতনে ভূষণে রতনে কেয়ুরে কঙ্কণে কায়দায়। সবাইকেই তো আপাতদৃষ্টিতে মনে হয়, সমান আদরে আহ্বান করা হচ্ছে। একমাত্র টাটা গোষ্ঠীই ছোট গাড়ি তৈরির প্রস্তাব নিয়ে এই রাজ্যে এসেছিলেন, তাঁদের বরণ করে নেওয়া হয়েছে। অন্য কেউ এলে তাঁকেও পশ্চিমবঙ্গ সরকার কেবলমতে বলে মনে হয় না। সুতরাং বৃহৎ শিল্প গোষ্ঠীদের কারও সিনুরের টাটা কারখানা নিয়ে ঈর্ষান্বিত হওয়ার এবং সেই ঈর্ষার কারণে বাগড়া দেওয়া, কোনও কারণ হঠাৎ ভেবে নির্দিষ্ট করা যাচ্ছে না।

যা মনে হয়, অনেক ক্ষেত্রেই অবশ্য তা নয়। রতন টাটা তো সম্পূর্ণ অকারণে এমন একটি বিস্ফোরক মন্তব্য করবেন, তা মেনে নেওয়া যায় না। হয়তো সত্যি - সত্যিই কোনও না কোনও শিল্প গোষ্ঠীর টাটার প্রস্তাবিত কারখানা প্রকল্প সম্পর্কে তাঁদের অসুয়ার উদ্বেক হয়েছে। হয়তো তাঁরা গোপনে খবর পেয়েছেন টাটার পশ্চিমবঙ্গ সরকারের কাছ থেকে এমন কিছু কিছু সুবিধার প্রতিশ্রুতি পেয়েছেন যা তাঁরা অন্যান্য রাজ্যে পাচ্ছেন না। পশ্চিমবঙ্গ সরকার ঔদ্যর্ষের প্রতিযোগিতায় অন্যান্য রাজ্য সরকারকে হারিয়ে দিয়েছেন। টাটা গোষ্ঠীকে যে যে লোভনীয় শর্তে পশ্চিমবঙ্গ সরকার গৌণে ফেলেছে, অন্য রাজ্যগুলিতে অন্যান্য শিল্প গোষ্ঠীর সে রকম ভাগ্য উদয় হয়নি।

এখানেই ধন্দ। পশ্চিমবঙ্গের জনসাধারণ জানেন না কোন শর্তবালীর ভিত্তিতে টাটা গোষ্ঠী এই রাজ্যে গাড়ির কারখানা তৈরি করেছেন। এখনও পর্যন্ত রাজ্য সরকারের ভঙ্গিমা, সে আমার গোপন কথা, বলব না, ওলো সই। এই রাজ্যের জনগণের যে সুযোগ বা অধিকার নেই, তাঁরা জানতে পারছেন না রাজ্য সরকার টাটার সঙ্গে কী চুক্তিতে আবদ্ধ হয়েছেন, সেই চুক্তির বিশদ ধারাগুলিই বা কী, টাটার সহযোগী শিল্প গোষ্ঠীরা কিন্তু চর লাগিয়ে তা জেনে ফেলেছেন এবং যা জেনেছেন তাতে তাঁদের মন খারাপ। ঈশ, টাটার পশ্চিমবঙ্গ সরকারের কাছ থেকে আবদার জানিয়ে এত এত সুবিধা আদায় করে নিল, অথচ অন্যান্য রাজ্যে আমরা সে ধরনের বাড়তি সুবিধা আদায় করতে পারিনি, আদায় করার চেষ্টা পর্যন্ত করিনি। তা ছাড়া পশ্চিমবঙ্গে এই বাড়তি সুবিধাগুলি পাওয়ার কারণে প্রতিযোগিতার বাজারে টাটা গোষ্ঠী যথার্থই ঈর্ষৎ লাভবান হবেন, তাঁদের প্রস্তুত ছোট গাড়ি অন্যদের তৈরি গাড়ি থেকে একটু কম দামে বাজারে ছাড়া সম্ভব হবে। এই খবরগুলি জানার পর সহযোগী কিছু শিল্পগোষ্ঠী হয়তো সত্যিই টাটার বাড়ি ভাতে ছাই দেওয়ার চেষ্টায় নেমে পড়েছেন। অন্তত টাটার তা-ই মনে করেন, এবং সেবকম মনে করেন বলেই রতন টাটার প্রকাশ্য অভিযোগ।

সব মিলিয়ে মন খারাপ হওয়ার মতো অবস্থা , অথচ সবচেয়ে বেশি মন খারাপ হওয়ার কথা পশ্চিমবাংলার সাধারণ মানুষজনের । কী কী চমৎকার শর্তে রাজ্য সরকার ও রাজ্যের জনগণ , রাজ্য সরকার তাঁদের এ সব তথ্য জানানোর যোগ্য বলে স্পষ্টতই মনে করেন না ।

জনগণ যেহেতু শর্তগুলি জানেন না , হাওয়ার গুজব ছড়ায় । যেমন একটি গুজব : সিসুরে ৯৯৭ একর জমি অধিগ্রহণ করতে রাজ্য সরকারের তহবিল থেকে , এখন দেখা যাচ্ছে , প্রায় দেড়শো কোটি টাকা বেরিয়ে যাবে । কিছু রাজ্য সরকার নাকি টাটাদের কথা দিয়েছেন , বিনি পয়সায় ভোজের ব্যবস্থা , এই জমির জন্য তাঁদের কানাকড়িও দিতে হবে না , এই প্রায় হাজার একর জমি সরকার তাঁদের উপঢৌকন দেবেন । এতটা বদান্যতা অন্য কোনও রাজ্যের সরকার অন্য কোনও শিল্পপতিকে দেখাননি । টাটাদের সৌভাগ্যে শিল্পপতিদের একটি অংশ তাই জ্বলছেন-পুড়ছেন ।

আর একটি গুজব । রাজ্য সরকার নাকি রাজি হয়েছেন , টাটা কারখানায় প্রস্তুত ছোট গাড়ির ক্ষেত্রে পশ্চিমবাংলায় মূল্যযুক্ত কর পুরোপুরি মকুব করা হবে ; এই গাড়ির বিক্রি তাই বাজারে অন্য সব গাড়িকে টেকা দিয়ে এগিয়ে যাবে । অবশ্য মূল্যযুক্ত কর থেকে এবৎবিধ মুক্তি পাঁচ-দশ বছরের মেয়াদে , না অনন্তকালের জন্য , তা নিয়ে গুজবদাতারা এখনও নিশ্চিত কিছু জানাতে পারেননি ।

তৃতীয় আরও একটি ভয়ঙ্কর গুজব , টাটারা আবদার জানিয়েছেন , একই রাজ্য সরকার নাকি তাতে সম্মতি জ্ঞাপন করেছেন , টাটা কারখানায় প্রস্তুত প্রতিটি গাড়ির জন্য কেন্দ্রীয় সরকারের যে অস্ত্রশস্ত্র প্রাপ্য , তারও পরিপূর্ণ দায় রাজ্য সরকার বহন করবেন । হয়তো অনন্তকালের জন্য , হয়তো পাঁচ-দশ বছরের জন্য ।

যেহেতু রাজ্য সরকার কোনও কিছু বলছেন না , টাটাদের গাড়ি কারখানা তৈরির জন্য রাজ্য সরকারের কোষাগার থেকে সব মিলিয়ে কত টাকা গুণাগার দিতে হবে , তা অনুমান করা এই মুহূর্তে অসম্ভব । যেমন অসম্ভব এত এত টাকা ঢেলে পশ্চিমবঙ্গের অর্থ ব্যবস্থায় কোন ধরনের বৈপ্লবিক পরিবর্তন ঘটবে আরও কত কত হাজার বেশি পরিমাণ রাজ্যসন্তানরা দুখে ভাতে থাকবে , তার অঙ্ক কত । এক লক্ষ কোটিরও বেশি দেনার দায় বওয়া রাজ্য সরকার ,

যেহেতু রাজ্য সরকার কোনও কিছু বলছেন না , টাটাদের গাড়ি কারখানা তৈরির জন্য রাজ্য সরকারের কোষাগার থেকে সব মিলিয়ে কত টাকা গুণাগার দিতে হবে , তা অনুমান করা এই মুহূর্তে অসম্ভব । যেমন অসম্ভব এত এত টাকা ঢেলে পশ্চিমবঙ্গের অর্থ ব্যবস্থায় কোন ধরনের বৈপ্লবিক পরিবর্তন ঘটবে আরও কত কত হাজার বেশি পরিমাণ রাজ্যসন্তানরা দুখে ভাতে থাকবে , তার

অঙ্ক কত । এক লক্ষ কোটিরও বেশি দেনার দায় বণ্ডিয়া রাজ্য সরকার ,

ধরে নিচ্ছি , অন্তত গোপনে , এ সব হিসেব-নিকেশ করে সন্তুষ্ট । পতির পুণ্যে সতীর পুণ্যের মতো । এই মুহূর্তে রাজ্য সরকারের স্বস্তিবোধেই পশ্চিমবাংলার জনগণের স্বস্তি ।

তবে , গোস্তাকি যদি দয়া করে মাফ করা হয় , অন্য একটি কৌতূহলের কথা বলতে হয় । সম্প্রতি খবর বেরিয়েছে টাটা গোষ্ঠী আন্তর্জাতিক ফটিকা বাজারে শেয়ার কিনে কোরাস ইম্পাত গোষ্ঠীর দখলদারি নেওয়ার আশ্রয় চেষ্টা চালাচ্ছেন । কয়েক সপ্তাহ আগে তাঁরা জানিয়েছিলেন , শেয়ার প্রতি ৪৫৫ পাউন্ড দাম হাঁকতে তাঁরা প্রস্তুত , এবং সংস্থাটি পরিচালনা ব্যবস্থায় প্রাধান্য পেতে শেয়ার কিনতে তাঁরা ৫.৪ বিলিয়ন পাউন্ড বিনিয়োগ করতে রাজি ।

আমাদের প্রায় মাথা ঘুরে যাওয়ার মতো অবস্থা । কারণ ৫.৪ বিলিয়ন পাউন্ড আমাদের মুদ্রার হিসাবে দাঁড়ায় প্রায় ৪৫,০০০ কোটি টাকায় । এবং এখানেই একটু তাজ্জব বনে যেতে হয় । যীরা আন্তর্জাতিক ফটিকা বাজারে অবলীলায় ৪৫,০০০ কোটি টাকা খাটাবেন , যীদের অর্থের অভাব নেই , পশ্চিমবাংলার মতো একটি হত দরিদ্র রাজ্য থেকে কেন তাঁদের দেড়শো-দু'শো কোটি টাকা কিংবা তারও বেশি উপহার দেওয়া ।

অন্য একটি চিন্তার প্রসঙ্গ উত্থাপন করে এই রচনার ইতি টানব । টাটাদের জন্য মাত্র এক হাজার একর জমি অধিগ্রহণ করতে গিয়ে রাজ্য সরকারকে যত হ্যাপা পোয়াতে হচ্ছে , তাঁদের কাম্বিত মোট চল্লিশ হাজার একর অধিগ্রহণে আরও কত দুর্ভোগের অভিজ্ঞতার আশঙ্কা , তা নিয়ে আদৌ ভাবছেন কি ? বাকি উনচল্লিশ হাজার একর জমি অধিগ্রহণে যীরা শিল্প বা শিল্প পরিকাঠামো গঠনের প্রতিশ্রুতি দিয়েছেন , গোপন কথাটি রবে না গোপনে , তাঁরাও , কে জানে , হয়তো আহ্লাদ জ্ঞাপন করবেন , টাটাদের গোপনে যে যে সুবিধা দেওয়া হয়েছে , তাঁদের ক্ষেত্রেও সেগুলি প্রদান করতে হবে ।

হয়তো বলা হবে , আগ বাড়িয়ে এ সব আলতু-ফালতু চিন্তার দরকার কী , এক বছর আগে শিল্পবিকাশের সঙ্কল্প জ্ঞাপন করে বিধানসভার নির্বাচনে পশ্চিম বাংলার জনগণের বিপুল সমর্থন আমরা আদায় করেছি । মুশকিল হল , চার বছর বাদে ফের তো গণতান্ত্রিক নির্বাচনে নিজেদের পরীক্ষা দিতে হবে , তার জন্যও তো একটু পূর্ব ভাবনা দরকার ।

কিশোর-কালে শোনা একটি চিন্দেন্দীয় প্রবাদ অনুসরণ করে রাজ্য সরকারকে অনুরোধ জানাব : ডিম পেড়ে তারপর চিন্তামগ্ন হবেন না , চিন্তা করে তবেই ডিম পাড়ুন ।